

ԱՐԱՄ ՄԱՆՈՒԿՅԱՆԸ  
ՀԱՅՈՑ ՄԵԾ ՈՂԲԵՐԳՈՒԹՅԱՆ ՏԱՐԻՆԵՐԻՆ

ԱՐՄԵՆ ԱՍՐՅԱՆ

Առաջին համաշխարհային պատերազմի սկզբից ևեթ Օսմանյան կայսրության երիտթուրքական վարչակարգը ձեռնամուխ եղավ արևմտահայության արմատական ոչնչացման վաղօրոք ընդունած ծրագրի իրագործմանը՝ նպատակ ունենալով տիրանալ նրա պատմական հայրենիքին և մեկընդմիջտ լուծել Հայկական հարցը: Թուրքերը, սակայն, մի շարք վայրերում հանդիպեցին հերոսական զիմադրության: Խոսքն առաջին հերթին



վերաբերում է Վանի 1915 թ. ապրիլյան ինքնապաշտպանությանը, որի կազմակերպման դործում հսկայական ավանդ ունեցավ հայ ազատագրական շարժման նվիրյալ, ՀՅԴ Վանի կազմակերպության ղեկավար գործիչներից մեկը՝ Արամ Մանուկյանը (Սարգիս Հարությունի Հովհաննիսյան):

Ա. Մանուկյանը ծնվել է 1879 թ. մարտի 19-ին Շուշի քաղաքում: Նախնական կրթությունն ստացել է տեղի Ազուլյաց ծխական դպրոցում, ապա 1895 թ. ընդունվել թեմական դպրոց: Այստեղ նա անդամագրվում է հայ ազատագրական շարժման առաջատար ուժ ՀՅԴ-ին՝ իր հետագա կյանքն անմնացորդ նվիրելով կու-

սակցության առաջադրած նպատակների իրականացմանը: 1901 թ. գարնանը հեռացվելով Շուշիի թեմական դպրոցից՝ ուսումը շարունակում է Երևանի թեմական դպրոցում, որն ավարտում է 1903 թ.<sup>1</sup>: Այնուհետև Արամը փոխադրվում է Բաքու, ապա՝ Գանձակ: 1903 թ. ամռան երկրորդ կեսին անցնելով Կարս՝ Ա. Մանուկյանն ամբողջովին նվիրվում է Արևմտահայաստանի ազատագրության գործին՝ ակտիվորեն մասնակցելով գեներալ փոխադրող խմբերի կազմակերպմանը: 1903 թ. սեպտեմբերին նա Խանի և Նևրուզի 150 հոգանոց խմբի հետ փորձում է անցնել Արևմտյան Հայաստան, սակայն հիվանդության պատճառով կես ճանապարհից հետ է վերադառնում<sup>2</sup>: 1905 թ. փետրվարի 6-ին Արամը հաստատվում է Վանում՝ նա-

<sup>1</sup> Հայաստանի ազգային արխիվ (այսուհետև՝ ՀԱԱ), ֆ. 8, ց. 1, գ. 59, թ. 52:

<sup>2</sup> «Հայրենիք», Բոստոն, 1922, №1, էջ 30:

խապես ՀՅԴ ղեկավարությունից ստանալով համապատասխան հրահանգներ, նաև որպես կուսակցության Վանի կենտրոնական կոմիտեի իրավահավասար անդամ գործելու լիազորություն: Կարճ ժամանակ անց՝ ստանձնելով ՀՅԴ Վանի կազմակերպության ղեկավարությունը, նա, ելնելով աղատագրական շարժման անցյալից, թուրքական լուծը թոթափելու նպատակով եռանդուն գործունեություն է ծավալում՝ ընդհանուր ապստամբության համար անհրաժեշտ հիմքեր ստեղծելու և Վասպուրական ղենք-զինամթերք փոխադրելու ուղղությամբ<sup>3</sup>: Ինչպես իրավացիորեն նկատում է ակադեմիկոս Հ. Սիմոնյանը, Արամը պաշտպանում էր «Հրայրի (Հրայր Դոժդե — Ա. Ա.) այն գաղափարը, որ եթե հայերը պետք է ապստամբություն բարձրացնեն, ապա դա պետք է լինի համաժողովրդական՝ նախապատրաստված բազմակողմանիորեն և հիմնավոր»<sup>4</sup>: Շնորհիվ ձեռնարկված հետևողական և հավասարակշռված քայլերի՝ կարճ ժամանակում ՀՅԴ Վանի կազմակերպությունը բուռն վերելք ապրեց:

1908 թ. երիտթուրքական հեղաշրջումից հետո Արամն արտահայտվեց նրանց հետ համագործակցելու իր կուսակցության քաղաքական դժի օգտին: Իսկ ՀՅԴ-ն փոխզիջման գիրք էր ընդունել և ձգտում էր հասնել արևմտահայության դրություն բարելավմանը Օսմանյան կայսրության շրջանակում՝ խաղաղ ճանապարհով և առանց արտաքին միջամտության: Սակայն կուսակցության և արևմտահայ հասարակական-քաղաքական մյուս ուժերի այս դիրքորոշումը երիտթուրքերը չընդունեցին: Վերջիններս նոր թափով շարունակեցին նախկին վարչակարգի հակահայկական և ազգայնամոլական քաղաքականությունը:

Երբ սկսվեց Առաջին համաշխարհային պատերազմը, վասպուրականահայության առաջնորդները՝ օսմանյան խորհրդարանի անդամ Ա. Վռամյանը, Իշխանը և Արամը, կանխատեսելով դրա ողբերգական հետևանքներն արևմտահայության համար, փորձեցին ուժերի ներածին չափով ազգաբնակչությանը հեռու պահել թուրքական իշխանությունների մեծամասշտաբ բռնություններից: Վանում խորհրդակցություն գումարվեց, որտեղ որոշվեց հավաքագրել զորակոչից խուսափել ցանկացող հայ երիտասարդներին: Մեկ-երկու շաբաթ անց երիտասարդների մի խումբ Արամի առաջնորդությամբ ներկայացավ զինվորական ատյանին<sup>5</sup>: Միաժամանակ, կանխատեսելով զորահավաքի դեպքում ժողովրդին սպառնացող վտանգը՝ գաղտնի հրահանգվեց, որ յուրաքանչյուր վայրում «աչքի ընկնող զինվորական ուժերը մնան փախստական, հավաքեն զենքերը և ապահով պահեստներում պահեն»<sup>6</sup>:

Սակայն վասպուրականահայության առաջնորդների խաղաղասիրական ջանքերը ժամանակավոր արդյունք տվեցին, քանզի թուրքերն իրենց անելիքը վճռել էին վաղուց: Թուրքական ռազմաճակատի բացումից (1914 թ. հոկտեմբերի 29) և հատկապես էնվերի փեսա Ջևդեթին Վանի

<sup>3</sup> Նյութեր Հ. Յ. Դաշնակցության պատմության համար (պատրաստեց և խմբագրեց Հ. Տասնպետյան). Հ. Գ, Բնյուրթ, 1976, էջ 105:

<sup>4</sup> Հ. Սիմոնյան. Աղատագրական պայքարի ուղիներում. գիրք I, Երևան, 2003, էջ 628:

<sup>5</sup> Հ ԱԱ, ֆ. 242, ց. 1, գ. 74, թ. 18-19:

<sup>6</sup> Նույն տեղում, թ. 21:

կուսակալ նշանակելուց հետո նահանգում իրավիճակը խիստ սրվեց: Կոստանդնուպոլսում ամերիկյան դեսպան Հ. Մորգենթաուի գիտարկմամբ, Ջեդեթին իր պաշտոնը ստանձնել էր տեղի հայերին «բնաջնջելու որոշ հրահանգներով...»<sup>7</sup>:

1914 թ. դեկտեմբերին Վանի նահանգի Սարայ և Բաշկալե գավառներում սպանվեց շուրջ տաս հազար հայ: Իրավիճակը բարդանում էր: «Ահ ու դողի ամիսներ էինք ապրում, կոտորածը դավառներեն (1914 թ. աշնանային նահանջի հետևանքով) կամաց-կամաց մոտենում էր քաղաքին», — դրել է Արամ Մանուկյանը 1916 թ.<sup>8</sup>: 1915 թ. հունվար-մարտ ամիսներին բռնություններ տեղի ունեցան Վասպուրականի Աղբակ, Թիմար, Հայոց-Չոր և այլ գավառներում: Կոտորածներին զոհ զնաց 16000 հայ, ևս 15000-ը ապաստանեց Վանում<sup>9</sup>: Թուրքական բանակում ծառայող հազարավոր հայ զինվորներ կոտորվեցին<sup>10</sup>:

Ի պատասխան թուրքական բռնարարքներին, հայերը սպանեցին մի քանի տասնյակ թուրք ոստիկանների, մի շարք տեղերում կտրեցին հեռագրալարերը<sup>11</sup>: Վոսմյանը, Արամը և Իշխանը աշխատում էին զսպել հայերին՝ նպատակ ունենալով հնարավորինս երկարաձգել խաղաղությունը<sup>12</sup>: Միաժամանակ, նրանք իշխանություններից պահանջում էին պատժել հայերի ջարդի ու թալանի մեղավորներին:

Ժողովրդի անվտանգությունն ապահովելու համար նաև որոշակի միջոցառումներ ձեռնարկվեցին: Նախ, հրահանգվեց նոր զինվորներ այլևս չտալ բանակին<sup>13</sup>, երկրորդ՝ անակնկալներին դիմադրավելու համար քսանական լավ զինված անձանցից բաղկացած շրջիկ խմբեր ստեղծվեցին: Այդ խմբերի ուժի մասին է խոսում թեկուզ այն փաստը, որ Թիմարի շրջանի Բայրաք գյուղի մոտ Միսակի խումբը Վանից 600 զինվորներով ուղարկված Բյուրհանեղզիի հետ կռվի բռնվելով՝ սպանեց 40-50 զինվոր<sup>14</sup>:

Հայ գործիչները գիտակցում էին, որ իրադրությունը սառեցման համար անհրաժեշտ է փոխհասկացողություն գտնել թուրք իշխանավորների հետ: Որպես բարի կամքի դրսևորում՝ Վոսմյանը, Արամը և քաղաքի հայ երեւելիները 1915 թ. մարտի 17-ին մասնակցեցին սահմանադրւից Վան վերադարձող Ջեդեթի ընդունելությունը<sup>15</sup>: Վերջինս, սակայն, դեռևս փետրվարին մտադրվել էր ոչնչացնել Վանի հայությունը<sup>16</sup>:

<sup>7</sup> Ամերիկյան դեսպան Հենրի Մորգենթաուի հուշերը և հայկական եղեռնի գաղտնիքները. Երևան, 1990, էջ 247:

<sup>8</sup> «Հորիզոն», 7.IV.1916:

<sup>9</sup> Հայերի ցեղասպանությունը Օսմանյան կայսրությունում: Փաստաթղթերի և նյութերի ժողովածու (կազմողներ՝ Մ. Ներսիսյան, Ռ. Սահակյան). Երևան, 1991, էջ 345:

<sup>10</sup> Մ. Արգունյան. Հայաստան. 1914-1917. Երևան, 1969, էջ 317:

<sup>11</sup> Վ. Տատրյան. Հայկական ցեղասպանությունը Խորհրդարանային և Պատմագիտական քննարկումներով. ԱՄՆ, 1995, էջ 50:

<sup>12</sup> ՀԱԱ, ֆ. 242, ց. 1, գ. 74, թ. 32-33, գ. 29, թ. 8: «Մշակ», 9.VII.1915:

<sup>13</sup> Հ. Բարբի. Սարսափի երկրին մեջ: Նահատակ Հայաստան (Թարգմ.՝ Մ. Շամտան-ճյան). Կ. Պոլիս, 1919, էջ 80:

<sup>14</sup> ՀԱԱ, ֆ. 242, ց. 1, գ. 74, թ. 32:

<sup>15</sup> Ա - Դ օ. Մեծ դեպքերը Վասպուրականում 1914-1915 թվականներին. Երևան, 1917, էջ 150-151:

<sup>16</sup> Г. Ф и р б ю х е р. Армения 1915. Уничтожение Турцией культурного народа. Отв. редактор В. Микаелян, Ереван, 1991, с. 59.

Նահանգի կառավարության հետ բանակցող Վռամյանն ու Արամը, ելնելով ազգաբնակչության անվտանգության ապահովման սկզբունքային դրույթից, ձգտում էին հասնել այն բանին, որ գորակոչվեն միայն նախկինում ծառայածները՝ զինվորական ծառայությունը փոխարինելով պատերազմի ընթացքում ամսական երկու ոսկի զինվորական տուրք վճարելով: Սակայն իշխանությունները չընդունեցին այդ առաջարկը: Այնուհետև Արամը հանդես եկավ նոր առաջարկով: քանի որ հայ զինվորներին հիմնականում վերածում էին «ամելեների» և բանվորական աշխատանքներ հանձնարարում, նա առաջարկեց նահանգի ամբողջ փոխադրական գործը հանձնարարել հայերին կամ էլ նրանցից ստանալ փոխադրության արժեքը: Այս առաջարկը ևս մերժվեց<sup>17</sup>: Վանում իտալական հյուպատոսական գործակալ Սպորդոնի հաղորդմամբ ջարդերի դիտավորություն ունեցող իշխանությունները մերժեցին հայ առաջնորդների նույնիսկ ամենաօրինավոր առաջարկները<sup>18</sup>:

Հայաստան ծրագրերը դյուրացնելու նպատակով թուրքական իշխանությունները վարում էին արևմտահայ մտավորական-քաղաքական դործիչներին ոչնչացնելու քաղաքականություն թե՛ կայսրության կենտրոնում և թե՛ նահանգներում: Իտալական հյուպատոսական գործակալի վկայակոչմամբ, խոսքը գնում էր առաջին հերթին տեղի հայ ազգաբնակչության «երեք գլխավոր առաջնորդներին՝ Վռամյանին, Արամին և Իշխանին...» վերացնելու մասին<sup>19</sup>:

1915 թ. ապրիլի 3-ին թուրքական գավառիության ղոհ գարձավ Իշխանը: Հաջորդ օրը խորհրդակցության պատրվակով կուսակալն իր մոտ հրավիրեց Վռամյանին և Արամին: Կուսակալին ներկայացած Վռամյանն (նա և Արամը պայմանավորվել էին միասին չայցելել կուսակալին) անմիջապես ձերբակալվեց, տեղափոխվեց Բիթլիսի բանտ, ապա՝ սպանվեց: Արամը ևս պատրաստվում էր այցելել կուսակալին, սակայն նրան նախազգուշացրեցին Վռամյանի հետ կատարվածի մասին և նա Սպորդոնի բնորոշմամբ՝ «ի բարբախտություն Վանի», չգնաց հանդիպման<sup>20</sup>: Փաստելով Վանի աղբեցիկ գործիչներ Վռամյանի և Իշխանի սպանության կանխամտածվածությունը՝ Թուրքիայի ներքին գործերի նախարար Թալեաթը նշել է. «...Ա. Մանուկյանն ալ մեջտեղեն վերցնել ուզած է, սակայն Մանուկյան ավելի ճարպիկ գտնվելով ապստամբած և կուսակալ ձեռնթիվ փախուստի մատնելով, իր վարչության տակ առժամյա կառավարություն մը հիմնած է»<sup>21</sup>:

Պարզորոշ ըմբռնելով ժամանակի հրամայականը, Մանուկյանն անմիջապես հրահանգեց կուսակցական և ժողովրդական ուժերին պատրաստվել իրադարձությունների անակնկալ զարդացմանը: Միաժամանակ, առճակատումից խուսափելով, ինչպես նաև Իշխանի ու Վռամյանի հետ կատար-

<sup>17</sup> ՀԱԱ, ֆ. 242, ց. 1, գ. 74, թ. 30:

<sup>18</sup> Հ. Բ ա Ր Բ ի. նշվ. աշխ., էջ 154:

<sup>19</sup> H. B a r b y. Au Pays de L'Epouvante: L'Arménie Martyre. Paris, 1917, p. 253.

<sup>20</sup> Հայերի ցեղասպանությունը Օսմանյան կայսրությունում..., էջ 346, Օ. Մ ի ի - թ ա Ր յ ա ն. Վանի հերոսամարտը. Սոֆիա, 1930, էջ 42:

<sup>21</sup> Բ ի Ֆ ա թ Մ և լ ա ն Ջ ա տ ե. Օսմանյան հեղափոխության մուֆ ծալքերը և իթթիհաթի հայաջինջ ծրագրերը. Երևան, 1990, էջ 93:

վածի պատճառները ճշտելու նպատակով նա ապրիլի 4-ին Զեդեթի Հետ վերսկսեց բանակցությունները: Սակայն վերջինս պահանջում է անհապաղ հանձնել բոլոր զինապարտներին՝ սպառնալով հիմնահատակ ավերել Այգեստանը: Խուսանավելու քաղաքականությունն այլևս իմաստազուրկ էր: «Մեր կացությունը հուսահատական էր այն ատեն, — նկատել է Արամը: — Ընտրելու մեկ բան միայն կը մնար մեզի համար. կամ անձնատուր ըլլալ և թողուլ որ խողխողեն մեզ իբր ոչխար, կամ մեռնիլ զեն ի ձեռին կռվելով: Այս վերջինը նախընտրեցինք»<sup>22</sup>:

1915 թ. ապրիլի 5-ին Վանի հայությունը ձեռնամուխ եղավ ինքնապաշտպանության կազմակերպմանը: Ստեղծվեց Հայ ինքնապաշտպանության զինվորական մարմին, որտեղ Ա. Մանուկյանի առաջարկով ընդգրկվեցին փորձառու զինվորականներ՝ դաշնակցականներ Գր. Բուլղարացին, Կայծակ Առաքելը և ռամկավար Արմենակ Եկարյանը<sup>23</sup>: Որոշ ժամանակ անց ինքն էլ մտավ այդ մարմնի մեջ<sup>24</sup> և ղեկավարեց Վան-Այգեստանի ինքնապաշտպանությունը: Արամի գործուն մասնակցությամբ ստեղծվեցին Զինվորական մարմնին ենթակա Զինաբաշխ մարմինը, որն իրականացնելու էր զենք-զինամթերքի պահեստավորումն ու բաշխումը, և Տեղեկատու դիվանը, որի խնդիրն էր իրադարձությունների արձանագրումն ու թուղթիկների հրապարակումը: Այնուհետև ստեղծվեցին զինագործարան, հիվանդանոց, «Հայթայթիչ մարմին», որն օրական 3000 մարդու սնունդ էր ապահովում և այլն: Զինվորական մարմնի քարտուղար Օ. Մխիթարյանի հավաստմամբ՝ «Զինվորական մարմնի և անոր հարակից օրգաններու, ինչպես նաև Վանի հերոսամարտի ամբողջ բարոյական ղեկավարությունը» ընկավ Արամի վրա<sup>25</sup>:

Զինվորական մարմնին անմիջապես ձեռնարկեց ինքնապաշտպանական մեծածավալ աշխատանքներ: Կազմվեց ինքնապաշտպանության հատակագիծ, Այգեստանը բաժանվեց պաշտպանական շրջանների: Ապրիլի 6-ի դրությամբ ստեղծվել էին պաշտպանական հինգ շրջաններ՝ իրենց շրջանապետերով, 50 դիրքեր՝ նույնքան խմբապետերով. զինվորների թիվը 800 էր, որից 400-ը հրացանակիր, 400-ը՝ ատրճանակով զինված<sup>26</sup>: Թուրքական կողմը Հայոց դեմ կենտրոնացրել էր 6000-12000 կռվող և 12 թնդանոթ:

Արամը եռուզեռի մեջ էր, զբաղվում էր կազմակերպչական աշխատանքներով: Զինվորական մարմնի միջոցով նա հրահանգում էր ձեռնպահ մնալ հարձակողական քայլերից և հսկել ստրատեգիական կետերը<sup>27</sup>: Սուրհանդակների միջոցով գավառների ազգաբնակչությանը տեղեկացրեց Վանի իրադրություն մասին և կարգադրեց պատրաստվել դեպքերի հետագա

<sup>22</sup> Յ. Լ. Ե. Վ. Ս. Ս. Ս. Գաղտնի տեղեկագիր տղքթ. Յոհաննես Լեփսիուսի, Հայաստանի շարժերը (Թարգմ. Մ. Շամտանճյան). Կ. Պոլիս, 1919, էջ 106:

<sup>23</sup> Հերոսապատում Մեծ Եղեռնի. Բեյրութ, 1978, էջ 59: Վան-Վասպուրականի հերոսամարտը-75 (կազմ՝ Հ. Փափազյան). Երևան, 1990, էջ 22:

<sup>24</sup> ՀԱԱ, ֆ. 242, ց. 1, գ. 74, թ. 39:

<sup>25</sup> Օ. Մխիթարյան. Նշվ. աշխ., էջ 54:

<sup>26</sup> Նույն տեղում, էջ 65:

<sup>27</sup> R. H o v a n n i s i a n. Armenian Van/Vaspurakan. USA, 2000, p. 230.

զարգացմանն այն հաշվով, որ Վանում ընդհարումն սկսվելուն պես նրանք տեղերում հարձակվեին թուրքերի վրա<sup>28</sup>:

...Վան-Այդեստանի ինքնապաշտպանությունը<sup>29</sup> սկսվեց 1915 թ. ապրիլի 7-ին: Այդ օրը թուրքերը Սահակ բեյի փոսից, Հաջի Բեքիրի գորանոցից, Թոփրակ կալեի կողմից բացված հուժկու հրետակոծությունից հետո անցան լայնածավալ հարձակման. հայկական ղեռքերի համար սպառնալի կացություն ստեղծվեց: Առանձնապես օրհասական էր դրությունը Սահակ բեյի ղեռքում: Գիտակցելով պահի լրջությունը՝ Արամը, համապատասխան ցուցումներ տալով Ջինվորական մարմնի անդամներին, իր թիկնապահների և մի խումբ ընկերների հետ անմիջապես շտապեց այնտեղ: Հայտնվելով հրացանային և թնդանոթային ուժերի կրակի տակ՝ նա առաջնորդին վայել իր պահպանությունը (ղինվորներից յուրաքանչյուրի հետ առանձին զրուցում էր, համբուրում նրանց, գոտեպնդում և խորհուրդներ տալիս) բարձրացրեց զինվորների մարտական ոգին<sup>30</sup>: Ռազմական տեսակետից կարևորելով հաղորդակցությունը ղեռքերի միջև՝ Արամը ղեռքապահներին հանձնարարեց անցուղիներ փորել Սահակ բեյի ղեռքից մինչև թովմասյան ղեռքը՝ խոստանալով ուղարկել օգնական բանվորական ուժ:

Ա. Մանուկյանը ծայրահեղ զգուշացման կողմնակից էր և գտնում էր, որ ամեն վայրկյան պետք է պատրաստ լինել իրավիճակի բարդացմանը: Կռվի առաջին օրվա երեկոյան, երբ թշնամին ժամանակավորապես դադարեցրել էր հարձակումը, նա հայ ինքնապաշտպաններին կարգադրեց զգոն լինել՝ «առաջն առնելու համար ամեն տեսակ դավադրություն»<sup>31</sup>, և չսխալվեց: Կարճ ժամանակ անց՝ թշնամին նոր ուժով վերսկսեց հարձակումը և դարձյալ հանդիպեց հայերի անկոտրում դիմադրությանը: Արամի, Ջինվորական մարմնի անդամներ Ա. Եկարյանի, Գր. Բուլղարացու և Կայծակ Առաքելի ղեկավարությամբ հայերը ոչ միայն հուսալիորեն պաշտպանվում էին, այլև արժանի հակահարված հասցնում թշնամուն: Ապրիլի 8-ին և 9-ի լույս 10-ի գիշերը հայկական ուժերը, արիություն ու հնարամտություն ցուցաբերելով, գրավեցին թուրքական կարևորագույն հենակետերի վերածված անգլիական հյուպատոսարանի շենքը և Համուդ աղայի գորանոցը: Ջորանոցի գրավմանն իր մասնակցությունը բերեց և Արամը<sup>32</sup>:

Աշխարհից լիովին կտրված վանեցիներին խիստ մտահոգում էր ռազմական գործողությունների ապագան. բոլորին պարզ էր ռուսական բանակի ու հայ կամավորների հետ կապ հաստատելու և օգնություն խնդրելու անհրաժեշտությունը: Այդ գործը ևս իր վրա վերցրեց Արամը: Գրվեցին նամակներ և ուղարկվեցին ռազմաճակատի ուղղությամբ: Նամակներից մեկը տեղ էր հասել Դիլմանի ճակատամարտի (ապրիլի 18) նախօրյակին. հաղորդելով վանեցիների հերոսական դիմադրության մասին՝ Արամը ժո-

<sup>28</sup> ՀԱԱ, ֆ. 242, գ. 1, գ. 74, թ. 38:

<sup>29</sup> Այդեստանից մեկուսացված Քաղաքամեջը՝ Վան քաղաքի երկրորդ մասը, ևս դիմեց ինքնապաշտպանության և փրկվեց անխուսափելի թվացող կոտորածներից:

<sup>30</sup> Օ. Մ խ ի թ ա ը յ ա ն. նշվ. աշխ., էջ 74-75:

<sup>31</sup> Նույն տեղում, էջ 79:

<sup>32</sup> «Աշխատանք», Վան, 17.VII.1915:

ղովրդի փրկութեան համար անհրաժեշտ էր համարում դրսի շուտափույթ օգնութիւնը<sup>33</sup>:

Ա. Մանուկյանի գործունեութիւնը չէր սահմանափակուում միայն Վան-Այգեստանով: Դեռևս ապրիլի 14-ին, ընդունելով թուրքերի դեմ մաքառող շատախցիների պատվիրակութիւնը, նա հրահանգեց Շատախի, Փեսանդաշտի և Քերծի մարտիկներին վարել բացառապես պաշտպանական մարտեր ու շարունակ լինել ժողովրդի հետ<sup>34</sup>: Ելնելով քաղաքի պաշտպանների բարոյահոգեբանական, բազմական ու պարենային կացութիւնը չծանրացնելու նկատառումներից՝ Արամն արգելեց Շուշանց-Վարազ գծում հավաքված 5000 բազմաբան փախստականների նահանջը Վան և Զինվորական մարմնի մյուս անդամների հետ քայլեր ձեռնարկեց նրանց պաշտպանութեան համար: Ապրիլի 14-ին Արամի հրահանգով այնտեղ ուղարկվեցին Այգեստանում ապաստանած 15000 բաղթականներից առանձնացված սպառազեն գյուղացիները: Նույն օրը Շուշանց-Վարազ գծի հրամանատար նշանակվեց դաշնակցական գործիչ Շիրինը: Զեռնարկված քայլերի շնորհիվ տեղի ազգաբնակչութիւնը մինչև ապրիլի 25-ը դիմադրեց թշնամուն և հետո միայն հարկադրաբար նահանջեց Այգեստան:

Մարտական գործողութիւնները Վանում նոր թափ ստացան ապրիլի 19-ին: Իրենց հերոսութեամբ աչքի ընկան Ա. Եկարյանն ու Կայծակ Առաքելը, որոնց միջամտութեան շնորհիվ կործանումից փրկվեց Թաղաքահարկի շրջանը: Այդ օրը թուրքերը տվեցին 40-ից ավելի զոհ<sup>35</sup>: Թուրքական հարձակումն իր գագաթնակետին հասավ ապրիլի 21-ին: Այգեստանի վրա արձակվեց 500 ռումբ: Արամն այդ օրը տարերքի մեջ էր. նա շարունակ դիրքից դիրք էր անցնում և ռզևորում հայ զինվորներին<sup>36</sup>: Ուժերի գերագույն լարմամբ հետ մղվեցին բոլոր գրոհները: Թշնամուն ոչ մի հաջողութիւն չբերեց նաև ապրիլի 28-ի հարձակումը, որն ուղեկցվում էր ռզևերին ռմբակոծութեամբ: Հայոց դիմադրութիւնն այնքան հերոսական ու կազմակերպված էր, որ թուրքական գրոհներից մեկն առաջնորդող գերմանացի մի սպա, կրած անհաջողութիւնից հուսահատված, հեռացավ Վանից՝ խոստովանելով, թե այդպիսի դիմադրութեան չէր սպասում<sup>37</sup>:

Մայիսի 3-ին հայ ինքնապաշտպանները ետ մղեցին թուրքական վերջին դրոհը: Զկարողանալով կոտրել վանեցիների հերոսական դիմադրութիւնը և տեղեկանալով ռուսական բանակի առաջխաղացման մասին՝ կուսակալը դադարեցրեց քաղաքի պաշարումը և նահանջեց Բիթլիսի ուղղութեամբ: Վանի ինքնապաշտպանութիւնը պսակվեց հաղթանակով. վանեցիներն իրենց առաջնորդների գլխավորութեամբ միասնաբար և վճռականորեն արժանի հակահարված հասցրեցին բազմադարյան ոսոխին:

1915 թ. մայիսի 5-ին Արարատյան կամավորական գնդի հեծելազորը դաշնակցական ինքնապաշտպանութեամբ մտավ Վան՝ արժանանալով ցնծազին ընդունելութեան: Զորավար Թ. Նազարբեկյանի վկայութեամբ նրանց դիմավորեց Արամը՝ իր օգնականների և քաղաքի բնակչութեան

<sup>33</sup> Հուլիս Արմենակ Եկարյանի. Կահիրե, 1947, էջ 240:

<sup>34</sup> Օ. Միլիթարյան. նշվ. աշխ., էջ 131:

<sup>35</sup> ՀԱԱ, ֆ. 242, ց. 1, դ. 76, թ. 5:

<sup>36</sup> Հերոսապատում Մեծ Եղեռնի, էջ 78:

<sup>37</sup> Հ. Բարբի. նշվ. աշխ., էջ 84:

հետ<sup>38</sup>: Հերոսամարտի հաղթանակի առթիվ իր և ՀԾԴ հասցեին ասված Խեչոյի գովասանքին ի պատասխան, Արամը, որն այդ ընթացքում աչքի էր ընկել ապակուսակցական ոգով, ազնվորեն նշեց, թե Վանում «կուսակցությունը է է որ գործ տեսավ, այլ ամբողջ ժողովուրդը»<sup>39</sup>: Մայիսի 6-ին Վան հասան կամավորական զնգերի հրամանատարներ Դրոն, Քեռին, Վարդանը, ապա ռուսական բանակի «Բայաղետ» զորախմբի հրամանատար զորավար Նիկոլաևը, որին էլ Արամը վանեցիների անունից հանձնեց քաղաքի բանալիները<sup>40</sup>:

Վանի հերոսամարտի շնորհիվ ավելի քան 150 հազար վասպուրականցիներ փրկվեցին անխուսափելի կոտորածներից՝ ապացուցելով, որ թուրք ջարդարարներից աղատվելու միակ ճանապարհը ինքնապաշտպանությունն է: Արևմտահայության գերակշռող մեծամասնությունը, ցավով, զոհ գնաց թուրքերի կողմից իրականացված ցեղասպանությունը:

Ինչպես իրավացիորեն նկատել է ահազեմիկոս Մ. Ներսիսյանը, «երիտթուրքերի ոճրագործ քաղաքականությունը հայ ժողովրդի նկատմամբ շարունակվեց նաև հետագա տարիներին...»<sup>41</sup>:

1917 թ. վերջին ռուսական Կովկասյան ռազմաճակատի քայքայումը թուրքական ներխուժման վտանգի տակ դրեց ոչ միայն Արևմտյան, այլև Արևելյան Հայաստանը: Կասկածից վեր էր, որ թշնամին փորձելու էր նոր նախճիրներ գործել: Ա. Մանուկյանը 1915 թ. հուլիսյան գաղթից հետո հաստատվել էր Թիֆլիսում և ակտիվ մասնակցություն ունեցել երկրամասի ազգային-քաղաքական իրադարձություններին, այնուհետև Հայոց կենտրոնական ազգային և Հայ զինվորական խորհուրդների կողմից իրրև լիազոր գործուղվում է Երևանի նահանգ: Նրա խնդիրն էր ստեղծել ամուր իշխանություն և իրականացնել կազմակերպված զորահավաք: 1917 թ. դեկտեմբերի 18-ին ժամանելով Երևան՝ Ա. Մանուկյանը գերմարդկային ճիգեր գործադրեց հայութանը սպառնացող նոր ողբերգությունը կանխելու համար: Նա առաջադրեց հայ ժողովրդի սլաշտպանությունն ու ազատությունը միտված հստակ և իրատեսական ուղեգիր: Երևանի Հայոց ազգային խորհուրդում ունեցած իր ելույթում, նկատի ունենալով թուրքական վտանգը, Արամը շեշտեց, որ հայությունը պետք է հենվի իր ուժերի վրա՝ «թե՛ ճակատը պաշտպանելու և թե՛ երկրի ներսը կարգ հաստատելու համար»<sup>42</sup>: Արամը ցուցաբերեց նախանձելի համառություն, արտակարգ կազմակերպչական ունակություններ և հետևողականություն ժողովրդի գիտակցության մեջ սեփական ուժերին ապավինելու գաղափարն ամրապնդելու և թշնամու դեմ համազգային շարժում կազմակերպելու համար: Նրա առաջարկությամբ ստեղծվեց Երևանի նահանգի իշխանության նոր մարմին՝ Հատուկ կոմիտե, որի նախագահ ընտրվեց ժողովրդի մեջ մեծ հարգանք վայելող Մ. Մուսինյանը: Սակայն ինչպես Հատուկ կոմիտեի, այնպես էլ Ազգային խորհրդի և Երևանի նահանգի փաստացի ղեկավարն

<sup>38</sup> ՀԱԱ, ֆ. 45, ց. 1, գ. 2, թ. 45:

<sup>39</sup> Հուլիսի Արմենակ Եկարյանի, էջ 233:

<sup>40</sup> ՀԱԱ, ֆ. 45, ց. 1, գ. 2, թ. 45, ֆ. 57, ց. 5, գ. 102, թ. 44, ֆ. 242, ց. 1, գ. 74, թ. 51:

<sup>41</sup> Մ. Ներսիսյան. Հայ ժողովրդի մեծ ողբերգությունը. - «Պատմա-բանասիրական հանդես», 1995, № 1, էջ 15:

<sup>42</sup> «Հայրենիք», 1964, № 4, էջ 70:



ու ոգին դարձավ Արամը: Շնորհիվ նրա ապակուսակցական ոգու՝ գործի լծվեցին ամենքը, անկախ կուսակցական պատկանելիությունից: Արամի առաջադրած սեփական ուժերին ապավինելու քաղաքական գիծն ամրագրվում էր կոնկրետ քայլերով: Այդ ուղղութիւնում առաջին քայլը հայկական գործ ստեղծելն էր. անհրաժեշտ էր գորահավաք հայտարարել: Արամի գլխավորութիւնում ազգային մարմիններն ու գործիչները ժողովրդի շրջանում քարոզչական լայն աշխատանք ծավալեցին: Արդեն 1917 թ. դեկտեմբերի 21-ին հայկական առաջին գույնը ռազմաճակատ ճանապարհելու առիթով Արամն ազդեցիկ ելույթով դիմեց ժողովրդին՝ կոչ անելով խտացնել հայրենիքի պաշտպանների շարքերը: 1917 թ. դեկտեմբերի 23-ին Հատուկ կոմիտեն հրապարակեց նրա հեղինակած «Կոչ հայ զինվորներին» շրջաբերականը, որը բոլորից պահանջում էր կանգնել հայրենիքի պաշտպանութան դիրքերում: Հատուկ կոմիտեն գորակոչ հայտարարեց: Մրադրված էր հավաքագրել Երևանի նահանգի և Զանգեզուրի 20-32 տարեկան բոլոր հայ զինապարտներին: Վճռական պայքար ծավալվեց գորակոչից խուսափողների, դասալիքների, գենք-զինամթերք, պետական գույք հափշտակողների, անիշխանական այլ տարրերի, և հատկապես Թուրքիայի կողմից ուղղորդվող կովկասյան թաթարների (տեղական թուրքեր) հակահայկական խռովությունների դեմ: 1918 թ. առաջին եռամսյակում հնազանդեցվեցին 50-ից ավելի թաթարական գյուղեր<sup>43</sup>: Չեռնարկված քայլերի շնորհիվ աստճանաբար ձևավորվում էր հայկական զինուժը, իսկ իրադրությունը երկրում՝ կայունանում:

Ա. Մանուկյանը, որպես հայրենասեր և հեռատես քաղաքական գործիչ, դարավոր թշնամուց հայ ժողովրդի փրկության ճանապարհին երկրորդելով քաղաքական-գաղափարական իրողությունները, ազգային այլ գործիչների հետ փորձեց դաշնակից ձեռք բերել ի դեմս բոլշևիկյան Ռուսաստանի: Այդ նպատակով նա հարաբերությունների մեջ մտավ Երևանի բոլշևիկների հետ, ինչպես նաև հեռակա կարգով մասնակցեց Թիֆլիսում Ռուբենի և ՀՅԴ այլ գործիչների կողմից Անդրկովկասի բոլշևիկյան ղեկավարների հետ տարվող բանակցություններին: Այդ ընթացքում ընդունվեց համագործակցության ծրագիր, որի առանցքը հայ-բոլշևիկյան ճակատի ձևավորումն էր թուրքերի դեմ՝ Կովկասի, հետևաբար նաև Արևելյան Հայաստանի խորհրդայնացման պայմանով (Արևմտահայաստանը լինելու էր անկախ)<sup>44</sup>: Իրազմաքաղաքական զարգացումները, սակայն, անհնար դարձրին այդ գործակցությունը:

1918 թ. մարտի 24-ին, երբ թուրքերը, զարգացնելով հունվարի վերջից սկսած հարձակումը, գրավեցին Սարիգամիչը, Երևանի ընակչությունը, ղորքը և Հայոց ազգային խորհուրդը Ա. Մանուկյանին ընտրեցին Երևանի նահանգի «գիկտատոր»: Օժտվելով անսահմանափակ լիազորություններով՝ նա երբեք չփորձեց իրեն վեր դասել ազգային ու զինվորական կառույցներից և, նրանց հետ գործակցելով, շարունակեց նահանգի ռազմաքաղաքական իրավիճակի կայունացման դժվարին գործը: Արամի հաջողության կարևոր պայմաններից մեկն այն էր, որ նա լավ էր հասկանում,

<sup>43</sup> ՀԱԱ, ֆ. 121, ց. 2, գ. 84, թ. 5:

<sup>44</sup> Ի ու ռ Ե ն. Հայ հեղափոխականի մը հիշատակները. հ. 7, Երևան, 1990, էջ 142-143:

որ հայրենիքի փրկութունը կախված է միմիայն ժողովրդի կամքից և ամեն ինչ անում էր այդ գործում նրան ներգրավելու համար: Այսպես, «գիկտատոր» ընտրվելուց հետո նա նշեց. «...դուք պիտի իմանաք, որ ես անուժ եմ առանց ձեզ: Հերոսը ինքը ժողովուրդն է և եթե ժողովուրդը պատրաստակամութուն ունի... աշխատել ու փրկել հայութունը վերահաս կործանումից, ապա իմ ու ինձ նման շատերի աշխատանքը ապարդյուն չի անցնի»<sup>45</sup>:

...Շարունակելով հարձակումը՝ թուրքական զորքերը մայիսի 15-ին գրավեցին Ալեքսանդրապոլը, իսկ մայիսի 20-ին՝ Երևանից 30 կմ հեռու գտնվող Արաքս կայարանը: Ամբողջ սրությամբ դրված էր հայության լինել-չլինելու խնդիրը, այնինչ հայկական զորքի զգալի մասը կազմալուծվել էր, իսկ բնակչությունը խուճապահար գաղթում էր Երևան: Հայերի մեջ իշխող պարտվողական տրամադրությունները նույնիսկ հանգում էին Երևանից նահանջելու անհեթեթ մտքին:

Այդ բախտորոշ օրերին Ա. Մանուկյանը դրսևորեց թշնամուն հակահարված հասցնելու աներեր կամք և մեծագույն եռանդ: Ա. Աֆանասյանի դիպուկ ձևակերպմամբ՝ «Արամը, ինչպես Վարդանը Ավարայրում, ի հայտ բերեց այդ հիշարժան հերոսապատմանը վայել քաջութուն»<sup>46</sup>: Դեռևս Ալեքսանդրապոլի անկումից առաջ Արամը՝ կանխատեսելով, որ թուրքերը չեն բավարարվելու նվաճածով, վճռականորեն արտահայտվել էր թշնամուն դիմադրություն ցույց տալու օգտին՝ նշելով. «Եթե երեք մեր ճակատի վրա թուրքերը սկսեցին առաջխաղացումը, մենք անպայման պետք է դիմադրենք զենքով, թնդանոթով, ոչ թե ստրկորեն անձնատուր ըլլանք և կոտորվինք»<sup>47</sup>:

1918 թ. մայիսի 19-ի առավոտյան, երբ թշնամին նոր էր ներխուժել Արարատյան դաշտ, Երևանի շրջանում գործող հայկական երկրորդ դիվիզիայի հրամանատար, գեներալ Մովսես Սիլիկյանի հետ ունեցած հեռախոսազրույցում ճակատագրական համարելով զորքերի հետագա նահանջը և Երևանն էլ ավելի մեծ վտանգի տակ դնելը, Արամը պահանջեց նահանջի առաջն առնել և դիրքերը պահպանել: Արարատյան դաշտում թշնամուն հակահարված հասցնելու նախօրոք դրված խնդիրն իրագործելու համար նա խոստացավ երկու օրվա ընթացքում զորավարին տրամադրել անհրաժեշտ ամեն ինչ՝ մարդկային ուժ, զենք-զինամթերք և թիկունքի աջակցությունը<sup>48</sup>: Դրա համար էլ Ա. Մանուկյանը հրահանգեց անհապաղ, առանց տարիքի ու դիրքի խտրության ռազմաճակատ ուղարկել բոլոր զինապարտներին: Խոստագույնս արգելվեց լքել քաղաքը: Արամը, որը նախընտրում էր ամեն ինչին անձամբ հետևել, «իբրև շարժական ոգի, ամեն տեղ էր՝ հրապարակներում, շուկայում, տներում, եկեղեցիներում և կոգեկորեր իր խոսքերով ու կը ներշնչեր ամենքին»<sup>49</sup>: Մայիսի 19-ի երեկոյան

<sup>45</sup> «Զանգ», Երևան, 27.III.1918:

<sup>46</sup> Ս. Աֆանասյան. Սարգրապատի հաղթանակը (Հայաստան. Մայիս 1918). Երևան, 1991, էջ 41:

<sup>47</sup> «Դրօշակ», Փարիզ, 1928, մայիս, №5, էջ 137:

<sup>48</sup> «Ճակատամարտ», Կ. Պոլիս, 30.I.1921: Վավերագրեր Հայ եկեղեցու պատմության, Մայր Աթոռ Ս. Էջմիածինը Առաջին Հանրապետության տարիներին (1918-1920թթ.) (կազմ. Ս. Բեհբուդյան). Գ. Ե, Երևան, 1999, էջ 62:

<sup>49</sup> «Ճակատամարտ», 30.I.1921: Վավերագրեր Հայ եկեղեցու պատմության. Գ. Ե, էջ 63:

Ազգային խորհրդի նիստում հարց բարձրացվեց Երևանը թշնամուն հանձնելու մասին. Արամը ամենայն վճռականությամբ բացառեց դա՝ նշելով. «... ոչ մի նահանջ ոչ մի գծի վրա: Նահանջ Երևանից կնշանակե խաչ քաշել մեր ամբողջ գործունեության և մեր ապագա քաղաքական մուրազներուն վրա, բոլորդ պիտի մնաք և մեռնիք»<sup>50</sup>: Այս վճռական կեցվածքը դարձավ Ազգային խորհրդի անխախտ վճիռը և զորքի հրամանատարութայանը հանձնարարվեց այն ի կատար ածել:

Ա. Մանուկյանի ջանքերի շնորհիվ վերջ տրվեց նաև ազգաբնակչության շրջանում տիրող խուճապին: Մայիսի 21-ի երեկոյան քաղաքային խորհրդարանի ամառային շենքի հրապարակում (Սկետինգրինգում) կայացած հանրահավաքում, որում սկզբնապես տիրում էր հուսահատության մթնոլորտ, նա հանդես եկավ հակիրճ ելույթով. «...Ես եկել եմ հայտնելու ձեզ, որ թշնամին գրավել է Սարդարաբադը և շարժվում է դեպի էջմիածին: Մեզ մնում է մի բան, կամ զենք վերցնել ու դուրս գալ թշնամու առջև և կամ կոտորվել ոչխարի պես... Ով ուզում է ապրել, առանց ըուպե կորցնելու, թող վերցնի զենքը, վերցնի նաև երեք օրվա պաշար ու իսկույն կեթ դիմե ուսուցչական սեմինարիայի շենքը՝ ցուցակագրվելու և այնտեղից էլ ճակատ ուղարկվելու համար: Ես իմ ասելիքս վերջացրի, այժմ ձեզ է մնում անելիքը»<sup>51</sup>: Սարդարապատի հերոսամարտի մասնակից Մ. Մանասիրյանը տարիներ անց՝ 1968 թ., այս հանրահավաքի մասին խոսելիս, հիշում է, որ Ա. Մանուկյանը, գրող Դ. Դեմիրճյանը և այլոք ոգեշնչում էին ժողովուրդին, կոչ անում անկախ տարիքից, սոցիալական գիրքից, քաղաքական համոզմունքներից զենք ստանալ ու մեկնել ճակատ: Ժողովուրդն էլ, արձագանքելով իրեն ուղղված հորդորներին, բացականչում էր, թե ավելի լավ է ճակատում զոհվել, քան սեփական օջախներում մորթոտվել<sup>52</sup>:

1918 թ. մայիսի 22-29-ին, զորավար Միլիկյանի և փոխգնդապետ Ա. Վեքիլյանի մշակած պլանի համաձայն, հայկական զորքը գնդապետ Դանիել Բեկ Փիրումյանի անմիջական հրամանատարութայամբ Սարգարապատի ճակատում հակահարձակման անցավ թուրքական զբրակչի ուժերի դեմ և ծանր մարտերից հետո թշնամուն գուրս չպրտեց Արարատյան դաշտից<sup>53</sup>: Պարտված թշնամին հարկադրված նահանջեց Ալեքսանդրապոլ: Նույն օրերին հայկական զորքերը Դրոյի գլխավորութայամբ թուրքերին ջարդեցին Բաշ-Ապարանի ճակատում:

Մայիսյան հերոսամարտերը, որոնց կազմակերպման գործում մեծագույն դեր ունեցավ Արամ Մանուկյանը, բացառիկ նշանակություն ունեցան հայ ժողովրդի համար: Բացառապես այդ հերոսամարտերի շնորհիվ հայ ժողովուրդը փրկվեց վերջնական բնաջնջումից և վերականգնեց Հայաստանի անկախությունը: Դրանով իսկ Ա. Մանուկյանը վիթխարի ներգրում ունեցավ նաև անկախ պետականության հիմքերի ամրապնդման

<sup>50</sup> Նույն տեղում:

<sup>51</sup> «Հորիզոն». 6.IX.1918:

<sup>52</sup> Մ. Մանասիրյան. Հիշողություններ Սարգարապատի հերոսամարտից. տե՛ս ՀՀ պատմության պետական թանգարան, նոր պատմության բաժնի վավերագրերի ֆոնդ, բաժնի մատյան 960, մայր մատյան 12441, թ. 6:

<sup>53</sup> ՀԱԱ, ֆ. 121, ց. 2, գ. 84, թ. 5, գ. 82, թ. 5: Ս. Ա. Ֆանասյան. Նշվ. աշխ., էջ 44: Հ. Ավետիսյան. Հայոց ազգային միասնության հաղթանակը. 1918 թվականի մայիս. Երևան, 1998, էջ 95-96:

գործում՝ իրավացիորեն արժանանալով Հայաստանի Առաջին Հանրապետության հիմնադրի պատվավոր անվանը:

Գժրախտաբար, Ա. Մանուկյանին վիճակված չէր երկար ապրել և շարունակել հայրենանվեր գործունեությունը: 1918 թ. գեկտեմբերին նա վարակվեց հանրապետությունում մոլեգնող բժավոր տիֆով և 1919 թ. հունվարի 29-ին կնքեց իր մահկանացուն: Թաղմանը, հանգես գալով ՀՅԴ Արևելյան բյուրոյի անունից, Ն. Աղբալյանը նշեց. «... մենք այսօր պիտի թաղենք մեծ մարդը, որ հայ ժողովուրդը տված է մեծ պատերազմի ընթացքին: Ի՞նչ է մեծ մարդը — Մեծ մարդը ան է, որ գիտե ըմբռնել ժամանակի հարցը և որո՞նք էին այս վերջին շրջանի մեծ հարցերը, որ համայն հայ ժողովրդին կպատկանեին — հայ ժողովրդի պաշտպանության և ազատության հարցերն էին ասոնք ... Վանը բոլորի հիշողության մեջն է, հոն — Արամը հանդիսացավ հայու հերոսական ոգին, փրկելով անոր ռազմական պատիվը: Երևանը վկա էր այն հզոր ուժին, որ կար և կապրեր անոր մեջ, որ կազմակերպեց դիմադրության ուժը և այդ դիմադրության շնորհիվ կարողացավ հիմք դնել Հայաստանի Հանրապետության, հայ ժողովրդի ազատագրության»<sup>54</sup>:

Այսպիսով, հայ ժողովրդի համար բախտորոշ 1915 և 1918 թթ. հայ աղալային-ազատագրական շարժման նշանավոր գործիչ Արամ Մանուկյանը գտնվում էր թուրքական տիրակալության դեմ պայքարի առաջավոր գծում և ամեն ջանք գործադրում իր ժողովրդի գոյությունն ու ազատությունը ապահովելու համար: Թե՛ Վանում և թե՛ Երևանում նա աչքի ընկավ քաղաքական հասունությամբ ու հեռատեսությամբ, կազմակերպչական բացառիկ ձիրքով, անկոտրում կամքով, մեծագույն պատասխանատվությամբ իր ժողովրդի ճակատագրի նկատմամբ: Գործակցելով հասարակական-քաղաքական բոլոր ուժերի հետ՝ Ա. Մանուկյանը կարողացավ կազմակերպել հայության միասնական պայքարը թուրք ոճրագործների դեմ՝ հետագա սերունդների համար հաստատագրելով այն իրողությունը, որ ծանր կորուստներից խուսափելու և ազգային ձգտումներին հասնելու միակ ուղին ազգային հավաքական գործունեությունն է:

АРАМ МАНУКЯН  
В ГОДЫ ВЕЛИКОЙ АРМЯНСКОЙ ТРАГЕДИИ

АРМЕН АСРЯН

Р е з ю м е

Армянский народ в начале XX в. подвергся серьезным испытаниям. Молодотурецкое правительство Османской империи, продолжив националистическую политику монархии по отношению к нетурецким народам, по заранее заплани-

<sup>54</sup> «Աշխատանք», 12.II.1919, №4, Ս. Վ. ր ա ց յ ա ն. Կյանքի ուղիներով. հ. 6, էջ 54–55:

рованной программе истребило в 1915 г. около полутора миллиона западных армян с целью освоить их исконные земли и навсегда решить Армянский вопрос. Политику геноцида армянского народа младотурецкие правители проводили и в Восточной Армении в 1918 г. В годы Первой мировой войны Арам Манукян (1879–1919) всячески стремился уберечь армян Вана от широкомасштабных погромов турок. В апреле 1915 г., он в сотрудничестве с другими политическими силами, организовал самооборону Вана. Благодаря этому, а также с помощью подоспевших русских войск и армянских добровольческих дружин, армяне Вана в основном спаслись от резни. В критические месяцы первой половины 1918 г. Манукян, проявив политическую дальновидность, решимость и непоколебимую волю, смог объединить широкие социально-политические слои общества, талантливых военных во имя сплоченной борьбы против турецких завоевателей, благодаря чему армянский народ не только спасся от окончательной резни, но и восстановил свою утраченную государственность. За этот вклад Арам Манукян справедливо удостоился имени основателя первой Республики Армении.

ARAM MANUKIAN IN THE YEARS  
OF THE GREAT ARMENIAN TRAGEDY

*ARMEN ASRYAN*

S u m m a r y

At the beginning of the 20th century Armenian people underwent terrible ordeals. The government of Ottoman Empire (The Young Turks) going on with their nationalistic policy of monarchy with respect to non-Turkish people, according to a pre-arranged program, annihilated about 1,5 million Eastern Armenians to master their native lands and to solve the Armenian problem once and for all. Ottoman government pursued the genocide policy of the Armenians in Eastern Armenia in 1918, too. During World War I Aram Manukian (1879–1919) struggled a lot to keep the Armenians of Van from massacres. In the April of 1915 cooperating with other political forces he organized the self-defence of Van. Thanks to that and also with the help of Russian troops and Armenian volunteers, the Armenians of Van mainly were saved from slaughter. During the critical months of the first half of 1918 Manukian, showing political foresight, resolution and firm will, managed to unite large social-political strata of society, talented soldiers for a solidary fight against Turkish conquerors, and owing to that Armenian people were not only saved from a final carnage, but also reestablished the lost state system. For that contribution Aram Manukian was justly honoured with the name of the founder of the first Republic of Armenia.